



## Poziv za iskazivanje interesa

Javno preduzeće Elektroprivreda Bosne i Hercegovina d.d. - Sarajevo (u daljem tekstu: JP EPBiH) u svojim strateškim dokumentima iskazala je cilj da značajno poveća udio proizvodnje električne energije iz obnovljivih izvora energije (OIE). Ovaj cilj će realizirati intenzivnom gradnjom objekata OIE i smanjenjem korištenja kapaciteta zasnovanim na fosilnim gorivima.

Kako bi ovaj proces dodatno ubrzala JP EPBiH se opredijelila da istraži i mogućnost otkupa projekata OIE koji su u pogonu ili su u završnoj fazi razvoja/izgradnje, te upućuje:

## Poziv zainteresiranim stranama

### za iskazivanje interesa za prodaju projekata obnovljivih izvora energije i privrednih društava vlasnika projekata obnovljivih izvora energije

Poziv se odnosi na pravne ili fizičke osobe zainteresirane za prodaju:

1. projekata OIE koji su već u pogonu i projekata koji su u razvoju
2. privrednih društava koja u svom vlasništvu imaju projekte OIE koji su već u pogonu i projekte koji su u razvoju.

Pod projektima OIE u koji su predmet ovog poziva podrazumijevaju se:

- **Hidroelektrane** snage uključivo i veće od 1 MW koje su u pogonu,
- **Hidroelektrane** snage uključivo i veće od 10 MW koje su u razvoju,
- **Vjetroelektrane** snage uključivo i veće od 10 MW koje su u pogonu ili su u razvoju,
- **Solarne elektrane** (samostojeće) priključne (AC) snage uključivo i veće od 3 MW koje su u pogonu ili su u razvoju.

Za projekte u razvoju minimalni zahtjev je posjedovanje urbanističke saglasnosti.

Pozivamo zainteresirane strane da dostave **Pismo o interesu za prodaju projekata OIE ili privrednih društava vlasnika projekata OIE**, potpisano od odgovorne osobe, sa sljedećim podacima:

- naziv investitora/vlasnika
- naziv elektrane
- karakteristike elektrane (broj jedinica, instalirana snaga, godišnja proizvodnja)
- prikaz i opis lokacije (kartografski prikaz i broj katastarske čestice)
- za projekte u pogonu ostvarena proizvodnja po mjesecima za sve godine pogona
- za projekte u pogonu ostvareni troškovi pogona i održavanja za svaku godinu pogona iskazane po strukturi (održavanje, naknade, dažbine, osiguranje, radna snaga...)
- za projekte u razvoju očekivana proizvodnja po mjesecima
- prikaz statusa projekta sa listom svih dobivenih i važećih dozvola i saglasnosti (broj, datum izdavanja, rok važenja), svih podnesenih zahtjeva čije je rješavanje u toku, statusu rješavanja imovinsko-pravnih odnosa, statusu priključka na elektroenergetsku mrežu, kao i drugih aktivnosti i dokumenata relevantnih za ocjenu statusa razvoja
- prikaz osnovnih odredbi koncesionog ugovora (trajanje, naknada, mogućnost produženja)
- prikaz statusa proizvođača u pogledu otkupa električne energije (status, ugovor za privilegiranog proizvođača, preostalo trajanje ugovora, ugovorna cijena)
- otkupna cijena projekta
- kontakt podaci (kontakt osoba, adresa, e-mail, broj telefona)

Prilikom izražavanja interesa za prodaju privrednih društava vlasnika projekata OIE, pored navedenih podataka o projektu OIE, potrebno je dostaviti i:

- aktuelni izvod iz sudskog registra privrednih subjekata ne stariji od šest mjeseci
- dokaz da nad privrednim subjektom nije pokrenut stečajni postupak ili postupak likvidacije, odnosno da nije u postupku obustavljanja poslovne djelatnosti (uvjerenje nadležnog suda)
- kopiju posljednjih dostupnih finansijskih izvještaja privrednog subjekta predatih FIA-i.

Pismo o interesu za prodaju projekta ili privrednog društva treba dostaviti u zatvorenoj koverti na adresu:

**JP Elektroprivreda BiH d.d. - Sarajevo, Vilsonovo šetalište 15, 710000 Sarajevo**, sa naznakom „Pismo interesa za prodaju projekata OIE / Pismo interesa za prodaju privrednog društva vlasnika projekta OIE“.

Poziv zainteresiranim stranama otvoren je do 31.12.2022. godine. JP EPBiH će izvršiti ocjenu projekata, na bazi proračuna niveliranog troška proizvodnje električne energije (Levelised Cost of Electricity-LCoE).

Procijenjena vrijednost projekta na bazi detaljnog proračuna LCoE bit će osnova za procjenu vrijednosti privrednog društva koje je vlasnik projekta OIE. Dobivena vrijednost biće korigovana za odgovarajući dio imovine i obaveza privrednog društva, prema nalazu dubinske analize.

Procjeni vrijednosti privrednog društva prethodiće dubinska analiza (finansijski, pravni i porezni due diligence) privrednog društva od strane nezavisne konsultantske kuće koju će angažovati JP EPBiH. Vlasnici i ovlaštena lica privrednih društava bit će u obavezi pune saradnje i dostave odgovarajuće dokumentacije JP EPBiH tokom trajanja cijelog procesa po ovom pozivu.

Ukoliko privredno društvo pored projekta OIE posjeduje i drugu imovinu ili se bavi drugom djelatnošću koja nije od interesa za JP EPBiH, prije preuzimanja privrednog društva JP EPBiH može tražiti da se privredno društvo oslobodi te imovine ili ukine pomenutu djelatnost.

Ocjena pristiglih pisama interesa vršiće se kontinuirano po prispjeću, tokom perioda važenja ovog poziva.

JP Elektroprivreda BiH d.d. - Sarajevo može po potrebi uputiti zahtjev za pojašnjenje ili dopunu pisma interesa.

Izvršni direktor  
za kapitalne investicije

dr.sci. Senad Salkić